

# 野史

五

後 陽 成 天 皇	第 八 卷	本 紀	正 親 町 天 皇	第 七 卷	本 紀	後 奈 良 天 皇	第 六 卷	本 紀
-----------------------	-------------	--------	-----------------------	-------------	--------	-----------------------	-------------	--------

庫文閣内		和書	
三 六 九 函	一 〇 〇 冊	一 〇 二 四 號	類

和書  
10214號

内閣文庫	
番號	和 10214
冊數	100( 5 )
函號	269 36




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





野史

卷六

本紀第六

後奈良天皇

後奈良天皇諱知仁。後柏原帝第一子也。母豐樂

門院。皇胤紹運錄、皇年明應五年十二月二十三日

丙申。生。帝王系圖、文龜二年十二月著袴。拾芥四年

十二月始讀古文孝經。二水永正九年四月爲親王。

代紹運錄、皇尋冠。紹運錄、十八年四月叙三品。紹運錄、

後奈良天皇

飯田忠彦修

男文彦訓點

竹中邦香校



大永六年四月。後柏原天皇崩。二十九日壬午  
 天皇踐祚。紹運錄、二水關白右大臣植家。左大臣藤  
 原公胤。內大臣源通言。權大納言兼左近衛大將藤  
 原植通。權大納言兼右近衛大將藤原忠輔並如故。  
 補、五月三日乙酉葬。後柏原天皇。紹運錄、二水記、  
 六月四日二十四日丙戌收。後柏原帝御骨於深草  
 法華堂。山陵志、前二十日癸卯。以國母從三位藤原  
 氏准三宮。補九月左大臣藤原公胤罷。補任、藤原  
 十二月壬戌地震。占之。二水是日前左大臣藤原公  
 胤薨。二水記、  
 補任、

大永七年丁亥。正月乙卯朔。以諒闇行平座節會。別  
 承記、二月十二日庚申。大將軍足利義晴營于六條  
 法華堂。細川常植等屬之。十三日辛酉。與三好長基  
 等。大戰于桂川而不克。義晴奔近江。二水記、權大  
 納言藤原內光死之。二水是日地震。嚴助記、二十五  
 日癸酉。相國寺鹿苑院火。二水五月丁丑朔。日當蝕。  
 不應。菅別十月。大將軍義晴發坂本入京師。遷營于  
 東寺。常植陣于吉祥寺。十一月。長基及波多野柳本  
 氏等。自長坂口入京。十九日癸亥。戰于桂川。踰月不  
 決。嚴助記、壬生地藏堂萬壽寺長講堂院廳宿所五

野  
 史  
 卷六  
 二

條天神社等。皆罹兵災。二水十二月庚戌朔。幕府下德政揭示。先是丹波口之戰。幕府喪利。京師騷擾。土一揆乘隙蜂起。強請下是命云。嚴助是歲遷五所八幡祠于山城小山莊。神社啓蒙、神祇拾遺、  
亨祿元年戊子。正月二十八日辛丑。柳本波多野氏兵敗走。義晴拂營解嚴。嚴助四月六日丁未。修懺法講於宮中。薦後柏原帝冥福三日。言繼二水是夏。兵士截落御菩薩池廣澤池水。加之炎旱不雨。四旬餘。草木皆枯。七月二十九日己亥。悔祈雨于諸寺。二水八月二十日己未。改元亨祿。補任、二水是日。

以關白右大臣植家爲左大臣。內大臣源通言爲右大臣。權大納言藤原植通爲內大臣。二水是月。權大納言藤原忠輔罷右近衛大將。補任、日九月八日丁未。三好長基侵京師。大將軍義晴避兵。近江寄食朽木植綱家。年代畧、木家傳、紀事、十月十日戊寅。雷雨雹。大如梅子。迄翌朝未消。鴈兔當雹斃者無算。嚴助十二月二十日丁亥。權大納言藤原房通兼右近衛大將。補任、是冬、近江湖水冰。宇治川渴。二水  
亨祿二年己丑。六月二十日甲申。天皇受箏灌頂於權大納言藤原公音。管別七月三日丙申。祈雨。嚴助

渴恐竭誤

記、

亨祿三年庚寅三月。前內大臣藤原實望薨。系圖、七月

月八日丙申。前關白左大臣尙經薨。補任、是年。陸奧

辨慶石入京。置之京極律院。山城志引、編年合運圖、

七月十六日、衣川辨慶石入三條京極云、

亨祿四年辛卯。閏五月。盜侵內侍所。嚴助七月二十

九日壬子。彗星見。良。補年代記首書、紀事、分類、○公卿

云、○滋草拾露、王代式、作三年七月九日辛酉。祈禳

彗星。嚴助十二月十八日戊戌。行春日社七日夜神

樂。補任、

天文元年壬辰。正月。大將軍義晴還京師。足利季世

錄。三月十九日戊辰。二品式部卿邦高親王薨。親王

○御浴殿日記、四月四日壬午。修懺法講於清涼殿。

薦。後柏原天皇冥福三日。言繼記、因兵革無警衛。

御浴殿五月二十九日丁丑晦。夜震。清水大津相坂

關屋水溢。田園多亡。嚴助七月十七日癸亥。南都一

向一揆起。燬興福寺。延燒者多。快元僧都記、補任、○

豐冬作八月九日、○和州諸將軍傳云、南宮富商櫛屋

起、兵七月十日、和乎珥散、二十九日乙亥。改元天文。補

言繼記、是日。以皇再從姪邦輔為親王。言繼記、御八

月二十六日壬寅。彗星見東方。至十月占之。補任、滋  
御浴殿畿內騷亂。王威不振。將軍管領亦擁虛位。  
不能布令。有日蓮派一向派僧等。善化誘得鉅資。遂  
乘世亂。蓄兵招類。所在掠畧。巨利名祠各傲之。樹黨  
無賴之民。託以嘯聚。稱曰一揆。守護地頭不能制其  
橫。戰爭不熄。或援其黨以利一時。是以賊勢日張。皇  
一揆之害。卒遍諸道。祇園修九月丙午朔。彗星見。不  
消數日。十二月十四日戊子。界浦火。延燒四千餘家。  
迄明日而消。嚴助  
天文二年癸巳。二月五日戊寅。關白植家罷。以內大

臣藤原植通為關白。補任、系圖八日辛巳。眾星流半空。動  
搖墮于地。年代記首十一日甲申。關白植通罷左近  
衛大將。補任、系圖十七日庚寅。修不動小法於清涼殿。七  
日。言繼記、嚴助三月十三日丙辰。權大納言兼右  
近衛大將藤原房通轉左近衛大將。二十三日丙寅。  
權大納言藤原忠冬兼右近衛大將。補任、系圖四月十三  
日丙戌。晴天雷。既而下霰。大如木樵子。遂和雨降。且  
震。人多死。祇園修八月二十四日甲午。前太政大臣  
實淳薨。補任、系圖十月八日丁丑。無雲雷。及曉眾星流半  
天。墜響如雷。補任、系圖十二月九日丁丑。立皇子方

野史 卷六 五

仁爲親王。補任、言繼二十三日庚寅。方仁親王加三元服。言繼二十三日辛卯。春日社修七日夜神樂。補任、梅宮火。殘太平記、書。  
天文三年甲午。正月二十九日丁卯晦。月讀宮火。年太平記、殘。三月二十日丁亥。修曼陀羅供於東寺。資弘法大師七百年回。言繼是春夏疫行。死者多。補任、書、五月二十九日乙未。禳災於諸社諸寺。言繼八月三日丁酉。大風雨。洪水。補任、○紀事、年八月十一日甲申。關白內大臣植通罷。十二月十四日丙午。以前關白尹房爲關白。補任、系圖、

天文四年乙未。正月十一日癸酉。國母准三宮藤原氏崩。嚴助、補任、修行十二日甲戌。上號曰豐樂門院。補任、言繼二十三日乙酉。葬豐樂門院。言繼二月六日丁酉夜。大風雨。日華門倒。言繼十四日乙巳。美濃大水。人死者二萬餘。民戶流亡數萬家。嚴助自十七日戊申迄六月不雨。若狹守護、年八月三日壬辰。大水。修行二十八日丁巳。前左大臣藤原實香爲太政大臣。十一月。權大納言藤原房通罷。左近衛大將。七日甲子。權中納言藤原房冬兼。左近衛大將。十二月四日辛卯。權大納言藤原實宣爲內大臣。十日丁酉。左大臣

好  
地  
卷六  
六

藤原植家罷。補任、系圖、天文五年丙申。正月丁巳朔。因諒  
 關停節會。續史、十七日癸酉。修不動小法于清涼殿。  
嚴助二月十四日庚子。奉幣一社。補任、  
 天文五年丙申。春二月二十六日壬子。天皇即位。  
補任、年代、天皇踐祚以來。連年兵革不熄。國用  
 匱乏。不能舉大禮。大內義隆奏供其資用。始得行大  
 禮。詔任義隆大宰大貳。大內家譜、六月。陸奧會津大  
 水。長祿、二十九日癸丑晦。初瀨寺火。嚴助先是日蓮  
 僧。暴橫縱火。焚他宗寺院。乘勢襲延曆寺。七月二十  
 三日丙子。延曆寺眾徒僧侶六萬人餘。下山屯東山。

二十七日庚辰。入京師。縱火。燬日蓮徒二十一寺。延  
 燒上下京。神社佛宇多灰燼。斬獲日蓮徒三千餘人。  
 餘皆潰散。嚴助、十月。詔幕府攘斥日蓮徒。鹽尻、閏月  
 八日庚申。右大臣源通言罷。二十一日癸酉。關白尹  
 房罷。補任、系圖、十一月壬午朔。日南至。補任、以前關白植家  
 爲關白。是歲。太政大臣實香罷。補任、系圖、前右大臣源豐  
 通薨。補任、  
 天文六年丁酉。春正月十二日壬辰。二星合。補任、言、  
 二十七日丁未。彗星見乾。補任、草拾遺、冬十月三日己酉。  
 前內大臣藤原實隆薨。系圖、十二月。權大納言藤原房



冬罷左近衛大將。十三日戊午。內大臣藤原實宣兼左近衛大將。補任、系圖、二十一日丙寅。關白植家為太政大臣。內大臣藤原實宣為左大臣。權大納言藤原忠冬為右大臣。補任、實錄、彗星見。殘、太平、是冬疫癘。人民多死。若狹守護、代年數、

天文七年戊戌。春正月八日癸未。右大臣藤原忠冬罷右近衛大將。權大納言藤原公賴兼右近衛大將。補任、系圖、夏四月四日丁未。修懺法講于宮中。薦、後柏原天皇冥福。冬十月。細川常植遺黨出陣于宇治。內藤氏起兵于丹波。京師為之騷擾。嚴助、

天文八年己亥。夏六月二十日丙辰。左大臣藤原實宣罷左近衛大將。權大納言兼右近衛大將藤原公賴轉左近衛大將。權大納言藤原公彥兼右近衛大將。補任、系圖、是月。三好長慶與族政長相悖。細川晴元遁高雄。屬下離散。戰鬥數日。佐佐木承禎出師于坂本。嚴助大將軍義晴避亂于八瀨。尋寓坂本。足利、家譜、秋七月二十五日庚申。若狹小濱商家婦產兒。一身三頭。若狹守護、代年數、八月十日乙亥。權大納言藤原房通為內大臣。補任、系圖、十七日壬午。大風雨水。人民多溺死。殘、太平、嚴助是秋蝗。諸國不實。冬十一月二十八日壬戌。遷

北野神于正殿。嚴助記

天文九年庚子。春正月甲午朔。東寺弘法大師像水出。竹田塔亦水出。是春。飢饉死者數十萬。都下棄尸者。每日六十人餘。天下大疫。死亡無算。殘太平記。紀事。夏四月九日辛未。大雨洪水。紀事。年代。五月。京師大水。續史。六月十七日丁丑。修不動小法於宮中。祈禳疫七日。嚴助記。是日。恠雲自西亘東。至十九日庚辰消。若狹守護代。年。秋八月十一日庚午。大風洪水。守護代。年。冬十月三日辛酉。左大臣藤原實宣罷。補任。系圖。十一月因幕府執奏。賜諡號於根來寺。本願覺鑊。延曆寺眾徒噉

訴。遽止之。嚴助記。十二月五日壬戌。三星相犯。若狹守護代。年。

數。近江國午頭天王有崇。居民流浪。敕授正一位。宥之。神。社。啓。業。午。頭。天。王。社。記。

天文十年辛丑。春正月十二日己亥。右大臣藤原忠冬爲左大臣。內大臣藤原房通爲右大臣。權大納言藤原公條爲內大臣。補任。實錄。二月二日己未。前右大臣源通言薨。系圖。三月十七日甲辰。內大臣藤原公條罷。二十八日乙卯。權大納言藤原公賴爲內大臣。夏四月二十九日乙酉。關白植家罷。太政大臣。補任。系圖。八月十一日乙丑。大風。宜陽殿軒廊。月華門車寄外廳

倒。拔木發屋。年代記首書、紀事、嚴助記、大財川水逆流。行人步濟。  
嚴助九月十二日乙未。前左大臣藤原實宣薨。補任、系圖、  
冬十一月六日丁亥。前權大納言兼左近衛大將藤原房冬薨。系圖、  
天文十一年壬寅。春正月二十日辛丑。前權大納言兼左近衛大將藤原忠輔薨。系圖、二月二十五日丙子。關白植家罷。補任、系圖、三月二十六日丁未。以左大臣藤原忠冬爲關白。言繼記、補任、閏月辛亥朔。關白忠冬罷。左大臣。補任、系圖、三日癸丑。右大臣藤原房通爲左大臣。前內大臣藤原公條爲右大臣。補任、系圖、夏六月十三日壬

辰。內大臣藤原公賴罷。左近衛大將。秋八月十三日辛卯。權大納言兼右近衛大將藤原公彥轉左近衛大將。權大納言藤原實通兼右近衛大將。補任、  
天文十二年癸卯。春正月丙午朔。日蝕。罷四方拜元會。補任、八日癸丑。日光徹宵。追明。年代記首書、紀事、秋七月十六日己未。右大臣藤原公條罷。補任、二十八日辛未。內大臣藤原公賴爲右大臣。權大納言藤原公彥爲內大臣。補任、實錄、秋九月八日庚戌。內大臣藤原公彥罷。左近衛大將。權大納言藤原晴良兼左近衛大將。補任、  
天文十三年甲辰。春正月庚子朔。輟小朝拜。補任、二月。

御  
史  
卷  
六

伊勢山田火。延燒六千餘家。嚴助三月十七日丙寅。行縣召除目。補任、言繼秋七月九日丙午。洪水。補任、年代書、四條五條橋墜。祇園社鳥居流失。水溢皇宮。西垣門墻壞。幕府出兵警衛四門。東寺南門至四塚。行舟往來。近江日吉大宮橋壞。叡山坊舍數宇。僧兒流亡者多。死尸漂至淀鳥羽。嚴助攝津河內殊甚。人畜溺死者多。年代記首、八月二十六日癸巳。前關白太政大臣尙通薨。補任、系圖冬十二月八日壬寅。修不動小法于清涼殿。七日。言繼記、嚴助記、  
天文十四年乙巳。夏四月九日辛丑。權大納言兼右

近衛大將藤原實通薨。補任、系圖五月二十五日丙戌。田原七鄉。悉罹兵燹。三好黨橫行縱火。大法寺木幡皆罹災。嚴助六月二日癸巳。關白忠冬罷。以左大臣藤原房通爲關白。補任、言繼右大臣藤原公賴罷。內大臣藤原公彥爲右大臣。權大納言藤原晴良爲內大臣。補任、實錄秋八月三日癸巳。召侍從卜部兼右令講日本紀。言繼紀、  
天文十五年丙午。春正月六日甲子。權大納言藤原兼冬兼右近衛大將。補任、系圖二十八日丙戌。關白房通罷。左大臣。戊子晦。前右大臣藤原公賴爲左大臣。補任

實錄三月十日丁卯。右大臣藤原公彥罷。十三日庚子。  
內大臣藤原晴良爲右大臣。前權大納言藤原秀房  
爲內大臣。權大納言兼右近衛大將藤原兼冬轉左  
近衛大將。今按晴良罷左大權大納言藤原晴嗣兼  
將月日無所考。右近衛大將。二十五日壬午。左大臣藤原公賴罷。二  
十六日癸未。前右大臣藤原公彥爲左大臣。補夏四  
月十二日戊戌。前關白左大臣忠冬薨。補任是月。京  
師雨雹。足利兵秋七月二十七日壬午。內大臣藤原  
秀房罷。權大納言藤原兼冬爲內大臣。補任八月二十  
三日丁未。黃雲見于西方。草木人面。悉變黃色。年代  
記首

書殘太平記紀事。詔修七佛藥師星供八大龍神供北辰星  
供等法於延曆園城東大金剛峯等諸寺。禳災異。殘太  
平冬十月七日辛卯。土寇起。輦下騷擾。幕府發兵警  
衛四門。御浴殿甲寅晦。幕府下德政揭示。十一月土  
寇犯宮闕。愬幕府稅政。幕府發兵擊却之。嚴助十二  
月十一日壬寅。內大臣藤原兼冬罷左近衛大將。權  
大納言兼右近衛大將藤原晴嗣轉左近衛大將。補  
任二十日癸卯。大將軍權大納言足利義晴兼右近衛  
大將。補任官是日。義晴辭大將軍。以其子左馬頭足  
利義藤爲征夷大將軍。補任御浴殿日以土寇擾亂

拜命於坂本行營。足利家譜、

天文十六年丁未。春二月十四日丙申。左大臣藤原

公彦罷。補任、十七日己亥。右大臣藤原晴良爲左大臣。

內大臣藤原兼冬爲右大臣。補任、實錄、權大納言藤原晴

嗣爲內大臣。補任、系圖、二十五日丁未。天皇幸大將軍

義藤室町第。新續古事記、三月二十九日辛巳。大

將軍義藤擁其父義晴出京。入北白川城。公卿或從

之。細川晴元陣東山。夏四月壬午朔。縱火于淨土寺

真如堂。鹿谷北白川。補任、足利家譜、秋七月十二日乙酉。晴

元遠圍北白川城。十九日壬辰。義晴義藤自焚城。東

走坂本。晴元與佐佐木承禎併兵攻坂本。行成而罷。

補任、足利季世記、閏月三日壬午。晴元出陣于龍安寺。五日

甲申。攻細川氏綱于高雄山。縱火燬神護寺及梶尾。

堂塔坊舍蕩盡。六日乙酉。又出兵于竹田。焚新御堂

僧坊。嚴助記、

天文十七年戊申。春二月十三日己未。行內侍所神

樂。補任、言繼記、三月九日乙酉。旗雲見。自巽亘乾。言繼二

十三日己亥。行小叙位。補任、夏六月七日辛亥。大將軍

義藤與義晴還京師。補任、足利家譜、冬十二月二十一日壬

戌。關白房通罷。二十七日戊辰。以左大臣藤原晴良

爲關白。補任、實錄、

天文十八年己酉。春三月辛未朔。佐佐木氏入京。布

陣於宮門外。北郡百百氏兵與上野兵爭論。擊戰終

日。嚴助夏六月。三好長慶細川氏綱與晴元及三好

宗三迭爭戰。宗三戰死于江口。晴元遁走入京。二十

七日乙丑。擁大將軍義藤及義晴。奔坂本。陰德、太平

公卿補任

天文十九年庚戌。春正月八日癸酉。有流星飛。嚴助

夏五月四日戊辰。前大將軍權大納言兼右近衛大

將足利義晴薨。補任、官位秋八月二日癸亥。大水。代年

紀首書冬十月九日己巳。權大納言藤原公朝兼右

近衛大將。補任、系圖十一月十九日戊申。三好長慶入京。

縱火。大津坂本東山皆焚。補任

天文二十年辛亥。春三月。三好長慶課京中收市租。

實錄秋七月十四日庚子。細川晴元屬下三好政勝等

及丹波國人內藤顯勝等陣于等持寺。遷屯于相國

寺。長慶部下松永久秀等縱火。四面襲擊。遂延燒相

國寺。陣趾及堂塔僧坊悉灰燼。嚴助八月二十九日

乙酉。前關白尹房及其子左近衛中將良豐。前左大

臣藤原公賴。權中納言藤原基規。前左兵衛佐藤原

範遠。入道宗紹。刑部大輔氏久姓氏等。遇害於周防。  
溫故私記補冬十月。授高田神于位階。御浴殿  
天正二十一年壬子。春正月甲申朔。日有食之。言繼  
二十八日辛卯。大將軍義藤歸京師。補任嚴夏四月。  
雨雹。兵亂秋七月。洪水。若狹守護八月乙亥朔。東山  
靈山城陷。三日丁丑。大將軍義藤自杉坂遁。丹波山  
國。遂走朽木。嚴助太宰帥恒直親王薨。補九月九日  
己丑。前關白左大臣兼輔薨。系冬十一月十三日辛  
卯。建仁寺火。言繼如十二月二十八日丙子。關  
白時良罷左大臣。補任

天文二十二年癸丑。春正月戊寅朔。停諸節會。補二  
十日丁酉。關白晴良罷。補任。言繼記。○御浴。二十二  
日己亥。以右大臣藤原兼冬為關白。御浴殿記。言  
二十六日癸卯。關白兼冬為左大臣。內大臣藤原晴  
嗣為右大臣。權大納言藤原公朝為內大臣。言繼記。  
丁未晦。右大臣藤原晴嗣罷。左近衛大將。閏月戊申  
朔。內大臣兼右近衛大將藤原公朝轉左近衛大將。  
權大納言源晴通兼右近衛大將。補三月二十四日  
辛未。前右大臣藤原經名薨。系夏四月八日甲申。權  
大納言兼右近衛大將源晴通罷。補是日。月與星合。

十五



又二星合。言繼六月十三日戊子。祈雨於諸社。御日浴  
記秋七月二十一日乙丑。遷春日神于正殿。言繼記、  
八月乙亥朔。三好長慶侵京師。大將軍義藤避之於  
丹波。補任、足利家講、十三日丁亥。義藤還京。足利家講、  
天文二十三年甲寅。春正月壬寅朔。較諸節會。補任、二  
月壬申朔。關白左大臣兼冬薨。補任、言繼記、○御、三  
月二日壬寅。以右大臣藤原晴嗣為關白。御浴殿日、  
夏四月十一日辛巳。關白晴嗣為左大臣。內大臣藤  
原公朝為右大臣。前權大納言藤原公兄為內大臣。  
補任、御浴殿日記、二十八日戊戌。內大臣藤原公兄罷。補任、五

分兩字難

月。白山發火。分類、年代、記、首書、紀事、秋八月二十二日庚寅。權  
中納言藤原晴季兼右近衛大將。補任、  
弘治元年乙卯。春二月二十日丙戌。若狹雨泥。若狹守護  
代、年二十七日癸巳。議伊勢兩大神宮修理。定山入  
祭木造始等日時。補任、故事定山入木造分兩日時。中  
絕既一百五十餘年。有比丘尼再興之。所謂山入者。  
入飛驒伐山木以為財用也。康雄記、夏六月。大風。嚴助  
冬十月二十三日乙酉。改元弘治。補任、紀事、詔曰。謝  
咎徵而開元。抗叡明於堯舜禹。賀禎祥而革故。續文  
質於夏商周。大化乃存。洪鈞轉運。朕稟坤元之位。慙

庸昧之躬。兵塵間起焉。未<sub>レ</sub>扇<sub>二</sub>德於八紘之外。民世常苦矣。無<sub>レ</sub>露<sub>二</sub>惠於六合之中。須<sub>レ</sub>改<sub>二</sub>舊歲以施<sub>レ</sub>新元。蓋與物更始之義也。其改<sub>二</sub>天文二十四年。爲<sub>二</sub>弘治元年。大赦天下。今日昧爽以前。大辟以下。罪無<sub>レ</sub>輕重。已發覺未<sub>レ</sub>發覺。已結正。未<sub>レ</sub>結正。咸皆赦除。但犯<sub>二</sub>八虐。故殺謀殺私鑄錢強竊二盜。常赦所<sub>レ</sub>不免者。不在此限。又復天下今年半徭。老人及僧尼年百歲以上。給<sub>二</sub>穀四斛。九十以上三斛。八十以上二斛。七十以上一斛。庶囊弓矢。朝野屬<sub>二</sub>泰平之時。永戢<sub>二</sub>干戈。夏夷浴<sub>二</sub>至治之澤。

康熙 閏月壬辰朔。日有食之。言繼

弘治二年丙辰。春正月辛酉朔。停<sub>二</sub>元會。言繼二十三日癸未。彗星見<sub>二</sub>東。補任。滋草拾露。○言繼。記作二十類<sub>二</sub>細川兩家。記。二月十三日癸卯。地大震。十八日丁未。吉田社鳴動。補任。言繼。記。助五月二十七日乙酉。遷<sub>二</sub>賀茂神于正殿。補任。六月四日辛卯。修百座仁王經於宮中。七日甲午。觀<sub>二</sub>舞樂。補任。秋九月九日乙丑。禳<sub>二</sub>疫疾。先是輦下小兒悉咳逆。死亡者多。因卜之。謂貴布禰神之祟也。於是禳焉。雍州府志。補任。啓蒙。改曆雜事。冬十月。三好長慶奏請修<sub>二</sub>補官闕。傳令于輦下。暴征<sub>二</sub>家徭以給<sub>二</sub>費用。嚴助。乙卯晦。前關白左大臣房

通薨。補任、系圖、

弘治三年丁巳。春三月二十三日丁丑。權大納言藤

原家輔為內大臣。補任、系圖、夏四月甲申朔。日有食之。御

殿。日二十八日辛亥。上京火。延燒四百餘家。殿、助六

月二十日壬寅。地震。秋七月六日丁巳。祈雨于諸社

諸寺。御浴殿、二十日辛未。地大震。八月二十六日丙

辰。大風。補任、攝津播磨潮溢。死亡者多。細川兩家、自五

月迄是月不雨。池、藻、九月二日壬戌。關白前嗣罷左

大臣。前嗣者晴嗣也。右大臣藤原公朝為左大臣。內

大臣藤原家輔為右大臣。前權大納言藤原兼秀為

內大臣。補任、實錄、五日己丑。內大臣藤原兼秀罷。補任、是日。

天皇崩。補任、紹運錄、年六十二。補任、紹運錄、○御拾

十三。並稱後奈良院。補任、紹運錄、初納深草法華堂。山

志、古、後葬泉涌寺。紀事、紹運錄、天文中。帝特嗜中象戲。

初除碎象。成玉與金銀。權大納言藤原晴光。藤原永

家。左兵衛佐卜部兼右。伊勢貞孝。蜷川親俊寺。每陪

侍對局云。白石雜錄、林春齋、中象戲圖式序、

野史卷六終

[Faint bleed-through text from the reverse side of the page]

野史卷七

飯田忠彦 修  
男 文彦 訓點  
竹中邦香 校

本紀第七

正親町天皇

正親町天皇諱方仁。後奈良帝第一子也。皇胤紹

三代零記、皇母吉德門院。年代零記、永正十六年五月

二十九日壬戌生。紹運錄作十三年一本十八年十二

月著袴。二水天文二年十二月為親王。年代零記、始讀

書。言繼尋冠。言繼行日記、祇園弘治三年九月。後奈良

天皇崩。十月二十七日丙午。天皇踐祚于土御門殿。御浴殿日記、年代畧記、紀事、或作十一月、誤矣。○公卿補任作、先是叙二品、按諸書未有所考定。關白前嗣。左大臣兼左近衛大將藤原公朝。右大臣藤原家輔。權大納言兼右近衛大將藤原晴季並如故。補任、十一月二十二日辛未葬。後奈良天皇。紹運錄、御浴殿日記、是歲。大旱。飢。餓。孳相望。逸史。永祿元年戊午。正月庚戌朔。諒闇停四方拜及諸節會。補任、二十一日庚午。授位記於丹波某神。御浴殿二月二十五日甲辰。前太政大臣實香薨。系圖、二十八日丁未。改元永祿。補任、御浴殿日記、紀事。是日。左大臣藤原公朝

罷左近衛大將。補任、御浴殿日記。三月八日丙辰。權大納言兼右近衛大將藤原晴季轉左近衛大將。權大納言源通興兼右近衛大將。補任、五月二日己酉。京師訛言起。士民運資財。奔走東西。御浴殿日記。三好長慶松永久秀作亂。大將軍足利義輝犇坂本。義輝者義藤也。嚴助。六月八日甲申。如意嶽城陷。御浴殿日記、九日乙酉。幕府兵與三好兵戰于白川。嚴助。閏月二十五日辛未。彗星見。細川兩家記。九月二十六日庚子。尊所生藤原氏。曰皇太后。補任、是月。大將軍義輝歸京。補任、足利季是歲。大旱。年代記首書、紀事。

永祿二年己未。正月甲戌朔。行四方拜及諸節會。補任、  
十六日己丑。觀舞樂于清涼殿二日。御浴殿、六月早。  
嚴助九月二日丙子。修懺法講于宮中。薦後奈良  
天皇冥福二日。言繼記、  
永祿三年庚申。春正月二十七日甲午。天皇即位。  
補任、言繼記、當是時喪亂日久。姦宄草竊。暴橫京畿。  
公武命令。莫復有奉者。大內供御殆竭乏。公卿邑稅。  
百司廩祿。皆不給。往往解職。流寓諸國。留居者或寄  
食於民家。朝廷衰頹極于此。海內分裂。豪傑競興。各  
據國張勢。其彊梁者三十餘。爭戰攻奪。諸道無虛日。

特毛利元就存心於王室。嘆大禮不行。請修之。天  
皇深嘉之。陛下元就於從四位下。任陸奥守。賜菊桐徽  
章。紀事、附錄、萬代、二月四日庚子。松永久秀獻資用。  
行內侍所神樂。御浴殿、十八日甲寅。始讀五帝本紀。  
補任、言繼記、三月。清涼殿棟木折。未幾日有光發焉。  
御浴殿、嚴助夏四月十三日己酉。讀仁王經于清涼殿。禳之。  
御浴殿、嚴助日。冬十二月七日戊戌。雷。畿內、兵  
永祿四年辛酉。春三月四日甲子。星入月。夏四月五  
日甲子。星貫月。補任、嚴助五月。星又貫月。嚴助、四  
日癸巳。祈禳天變於諸社寺。秋七月二十一日己酉。

京師兵革滋起。賀茂社司奉神體安紫宸殿。遣兵守  
衛賀茂下上社。八月二日庚申。遣權大納言藤原尹  
豐。敕佐佐木承禎及三好松永等。禁鹵莽。冬十一月  
九日乙未。雷。御浴殿  
日記  
永祿五年壬戌。春正月二十三日戊申。石山本願寺  
火。延燒二千餘家。二十五日庚戌。界浦火。延及數百  
家。嚴助  
日記二月二十七日辛巳。三好長慶等兵侵京師。  
三月六日庚寅。大將軍義輝挈慶壽太夫人。避兵于  
八幡。長慶久秀等。退陣于山崎。七日辛卯。軍兵行火  
於輦下。佐佐木承禎父子陣于清水坂。使三雲三郎

左衛門警衛官門。寇掠畧所在。士民騷擾。御浴殿  
日記  
三月九日癸巳。地震。夏六月二日乙卯。承禎與長慶  
久秀。媾和收兵。二十六日戊寅。義輝歸京。御浴殿  
日記是  
月。熊野本宮火。季世  
記秋八月二十五日丁丑。伊勢貞  
孝起兵於西山。縱火。侵掠數日。長慶久秀等赴擊。獲  
貞孝父子。餘兵弭散。御浴殿  
伊勢系圖  
日記冬十月十五日丙  
寅。地震。御浴殿  
日記  
永祿六年癸亥。春正月十一日庚寅。天皇受護身  
法於僧正嚴助。嚴助  
日記二十七日丙午。先是毛利元就  
得銀壙。就幕府請充調。詔許之。勅旨嘉之。爾來每歲

貢獻。以爲恒例。御浴殿日二月二日辛亥。使朝山僧  
日乘讀仁王經百坐於小御所七日。補任、言九日戊  
午。因幕府所請。奏五常樂千回。禳災於伊勢。補任、御  
記、三月二十九日甲辰。二品式部卿邦輔親王薨。紹  
續錄、言戊申晦。震東寺塔。言繼記、○御浴殿日  
繼記、言秋九月二十三日乙亥。遷豐受大神宮于正殿。補任、  
談、自永亨六年一百三十年之間。因公武衰替稽留。  
至此行之。神境記是月。奉幣伊勢。補任、梵冬十一月  
十二日丁亥。前內大臣藤原秀房薨。系近江坂本土  
寇唱德政。縱火于湖濱。去年日吉祭遷神興于坂本

濱。已及七十餘日。嚴助十二月二日丁未。前右大臣  
藤原公條薨。系圖、嚴十一日丙辰。修護摩法於宮中  
七日。補任、二十一日丙申。以皇族貞康爲親王。補任、御  
記、親王  
永祿七年甲子。春二月九日壬午。使應胤法親王讀  
百坐仁王經于小御所七日。補任、言三月七日己酉。  
地大震。十四日丙辰。以皇族師秀爲親王。言繼是月。  
丹波七歲之女產兒。和州將秋八月七日丁丑。伊勢  
言。白鳩羣集于豐受宮東南之檐。而檐墜。因占之。十  
日庚辰。祈豐受宮之災于諸社寺禳之。冬十月十八



日丁亥。遷水無瀬之橘紫宸殿。御浴殿  
永祿八年乙丑。夏五月十九日乙卯。松永久秀及三  
好義繼弒征夷大將軍參議兼左近衛中將足利義  
輝。補任、季世、官位記秋七月十九日癸丑。地震。御浴殿  
永祿九年丙寅。春正月二十四日丁巳。地震。二月十  
七日己卯。足利義昭遣使獻劔馬。奏請行內侍所神  
樂。御浴殿秋七月十日己亥。前關白太政大臣植家  
薨。補任、日記二十九日戊午。上京火。言繼八月五日癸亥。  
前內大臣藤原兼秀薨。系圖閏月九日丙申。卜神宮大  
刀失。十一日戊戌。奉幣神宮。謝寶劔失。二十三日辛

亥。祈晴於諸社寺。御浴殿  
永祿十年丁卯。秋七月二十四日丁丑。地震。御浴殿  
八月二十四日丙午。住吉社鳴動。年代記、首、冬、十月  
十日辛卯。松永久秀襲東大寺行火。延燒大佛殿。慶長  
記、大佛記、續、年代記、首書、  
永祿十一年戊辰。春二月八日戊子。以左馬頭足利  
義榮爲征夷大將軍。補任、御浴殿三月二十七日丁  
丑。課諸國造東大寺毘盧舍那佛。御浴殿夏四月十  
五日甲午。二品式部卿貞康親王薨。親王、系圖五月七日  
丙辰。地震。御浴殿秋九月。大將軍足利義榮卒。補任、官位

記、○按平鳥系圖二十六日壬申。織田信長擁足利  
作永祿九年卒。圖  
義昭入京師。補任、織田家譜、冬十月十五日辛卯。地震。御日浴  
記、十八日甲午。以左馬頭足利義昭爲征夷大將軍。  
補任、歷名土代、十一月十六日辛酉。關白前久罷。補任、  
以前關白晴良爲關白。補任、實錄、十二月十五日庚寅。立  
皇子誠仁爲親王。補任、御日浴、權大納言源通俊罷。右  
兵衛大將。通俊實通興也。補任、月  
永祿十二年己巳。春正月三日丁未。天未暮。烟暗星  
見。後太五日己酉。岩成左通等。襲大將軍義昭于六  
條假第。御日浴、織田家譜、夏四月。織田信長經營二條城。

使足利義昭徙居焉。織田家實錄、信長病。京師蕭寥。朝儀  
之廢。命村井貞勝修造皇宮。織田軍記、○御日浴、六月  
二十四日丙寅。讀百部仁王經於小御所。仁和寺  
九月二日壬申。修法華懺法于宮中三日。御日浴、殿冬  
十月二十四日甲子。因應胤法親王請。勅織田信長  
禁兵士掠奪延曆寺莊園。御日浴、十一月二十七日  
丙申。權大納言藤原兼孝兼右近衛大將。御日浴、殿日  
十二月九日戊申。改造春日社。補任、  
元龜元年庚午。春二月二日庚子。大將軍義昭入朝。  
使村井貞勝及僧日乘修補宮闕。十一日己酉。地震。

二十五日癸亥。星合月。占之。三月七日乙亥。地震。八日丙子。修安全護摩法于宮中。禳天變七日。御浴殿日記夏四月二十三日庚申。改元元龜。補任、紀事、實錄、秋七月十三日己卯。星貫月。御浴殿日記八月乙丑晦。大將軍義昭出陣於攝津中島。九月二十三日戊子。回師。冬十一月二十八日壬辰。義昭出師於三井寺。補任、織田家譜十二月七日庚子。一條火。延燒大聖寺。御浴殿日記十五日戊申。義昭歸京。補任、織田家譜元龜二年辛未。春二月。近江獻兩頭龜。補任、年代記、首書、○或係元龜、秋九月十二日辛未。紀事、織田軍記、並作三十四年、今據補任、天台座主記

織田信長焚延曆寺。中堂日吉社三院諸坊舍。悉蕩盡。補任、御浴殿日記、座主記是歲。皇居之營成。初應仁而來。朝廷衰耗。畿內諸道悉亂。輦轂荒廢。宮闕壞傾。束荆棘作垣。信長乃大起功役。至是始成。欲置供御之田。而恐寇賊侵奪。乃權出若干金。貸都下商賈。收息以奉大內。舉欽典。繼廢職。甄品流。振滯淹。紀綱頗復。實錄元龜三年壬申。春正月七日甲子。前權大納言藤原尹豐爲內大臣。十三日庚午。內大臣藤原尹豐罷。補任秋七月二十五日己酉。二品式部卿貞敦親王薨。親王

御史  
御史  
御史

天正元年癸酉。春三月二十四日甲辰。行內侍所神樂。補任。夏四月四日甲寅。京師火。紀事、年代記首書、○補任云、是月二日、京師火起、一百二十八所、○僅免、明日公卿諸司第燒者十餘所、尼寺數所、上京悉、七日丁巳。使關白晴良。權大納言藤原實枝。權中納言源重保。諭義昭與信長。媾和。八日戊午。詔義昭禁置兵士於六町街。御浴殿六月九日丁巳。權大納言藤原惟房爲內大臣。是日薨。補任、御浴殿三日辛巳。大將軍義昭出京師。入宇治。槇島壘。信長遣兵圍攻之。義昭請成。遂奔河內。入若江城。補任、實錄二十八日丙午。改元天正。補任、御浴殿信長入京師。蜀

除輦下地租。翁八月二十日戊辰。祈禳病災于諸社諸寺。御浴殿二十八日丙子。大風。年代記首冬十一月八日乙酉。行內侍所神樂。御浴殿是歲。多田社鳴動。後太平記天正二年甲戌。春二月二十四日庚午。右大臣藤原家輔罷。權大納言藤原兼孝爲右大臣。補任、系圖三月二十八日癸卯。織田信長奏請。截東大寺黃熟香。遣權大納言藤原資定。權中納言藤原雅教。莅焉。實錄、織田家譜是歲。信長發使者於四方。均道里。植行樹。通津梁。蠲關征。四民便之。信長記

天正三年乙亥。春二月二十三日癸巳。以皇族邦房爲親王。親王系圖夏四月己巳朔。日有食之。御浴殿日記六月甲戌。前權大納言兼右近衛大將源通堅薨。通堅者通興也。補任系圖五月七日乙巳。天皇受箏傳於前權大納言藤原季遠。御浴殿日記秋七月。參議信長入朝。天皇召燕便殿。賜天盃。命親王公卿蹴鞠。使信長觀之。尋詔進信長官爵。固辭。因請其臣叙爵。總見冬十月。詔以日蓮徒除諸宗門列。十一月丙申朔。權大納言藤原晴季罷左近衛大將。補任。四日己亥。右大臣兼右近衛大將藤原兼孝轉左近衛大將。權大納言

藤原內基爲內大臣。補任實錄七日壬寅。權大納言織田信長兼右近衛大將。補任織田家譜是歲前權大納言右近衛大將源晴通薨。系圖月天正四年丙子。春三月十日癸卯。左大臣藤原公朝罷。補任夏四月。住吉社火。三月三日乙未。四天王寺講堂火。年代記事首十六日戊申。祈諸寺。御浴殿日記冬十一月二十一日庚戌。右大臣藤原兼孝爲左大臣。內大臣藤原內基爲右大臣。權大納言織田信長爲內大臣。補任實錄天正五年丁丑。春二月十四日壬申。行內侍所神樂。

二十一日己卯。又行神樂三日。補任、御浴殿日記、三月四日壬辰。修築宮垣。輦下商賈充其役。附錄、十二日庚子。左大臣藤原兼孝罷左近衛大將。權大納言藤原公維兼左近衛大將。補任、秋九月二十日甲戌。石清水宮鳴動。補任、二十八日壬午。彗星見坤。逾年不消。補任、滋草拾露、○年代記首書、紀事、並作二十九日、冬十月八日辛卯。奏舞樂於石清水宮。十六日己亥。讀百座仁王經於清涼殿。補任、十一月二十日癸酉。左大臣藤原兼孝罷。右大臣藤原內基爲左大臣。內大臣織田信長爲右大臣。權大納言藤原昭實爲內大臣。補任、實錄、二十九日壬申。晦。權大納

言藤原公維罷左近衛大將。內大臣藤原昭實兼左近衛大將。補任、天正六年戊寅。春正月癸丑朔。復諸節會。先是兵革相踵。朝儀廢歛。至信長興業。崇敬王室。復興朝典。觀者感歎。信長記、十三日乙丑。以前權大納言藤原孝親准大臣。十六日戊辰。准大臣藤原孝親薨。補任、二十日壬申。前內大臣藤原公兄薨。二十三日乙亥。前左大臣藤原公彥薨。補任、系圖、夏四月關白晴良薨。補任、實錄、九日庚寅。右大臣兼右近衛大將織田信長罷。補任、田家譜、五月十二日癸亥。大雨洪水。補任、紀事、十八日己巳。奏法樂

舞樂於石清水宮。二十一日壬申。修不動明王法於

清涼殿。七日。補任。秋七月大水。冬十一月十三日庚寅。

以前左大臣藤原兼孝為關白。補任。信長將兵圍攻

荒木村重于伊丹城。村重拒禦不屈。信長置兵而還。

織田家譜

天正七年己卯。春正月二十日丙寅。內大臣藤原昭

實為右大臣。權大納言藤原實枝為內大臣。補任。御

記。二十二日戊辰。內大臣藤原實枝罷。二十四日庚

午。前內大臣藤原實枝薨。補任。系圖。二十七日癸酉。權大

納言藤原晴季為內大臣。補任。夏四月二十七日壬寅。

以前權大納言藤原光康准大臣。是日薨。補任。系圖。二十

九日甲辰。前關白左大臣晴良薨。補任。家傳。秋九月十三

日丙辰。信長復納丹波山國供御田于宮如故。御日

記。冬十一月信長修造二條第獻之。二十二日甲子。

誠仁親王具儀仗。徙居二條第。補任。實錄。

天正八年庚辰。春二月二十一日辛卯。內大臣藤原

晴季罷。權大納言藤原公維為內大臣。補任。三月辛丑

朔。地震。御日。記。造前關白前久權中納言藤原晴豐。

詔信長與本願寺和平。又諭大坂弭兵。信長。閏月二

十二日辛卯。行內侍所神樂。補任。自春迄夏。疫大行。人

死者多。年代記首夏四月五日甲辰。地震。二十一日庚申。以皇孫女薨廢朝三日。御浴殿五月信長奏請修石清水八幡宮。史六月十三日辛亥。三日並現。踰日而止。補任○國史實錄。三日作三月十五日癸丑。星貫月。年代記類事。分二十二日庚申。公卿二十一人奏言。糾前權中納言源通勝罪。通勝悔跡。敕彈正入道。未詳出其女伊豫局。御浴殿二十七日乙丑。石清水宮成。遷神於正殿。御浴殿秋七月八日丙子。內大臣藤原公維罷。前內大臣藤原晴季爲內大臣。補任八月九日丙午。風。御浴殿九月戊辰朔。彗星見。不消數日。補任御浴殿占

之。祈禳於諸寺諸社。御浴殿冬十月二十七日癸亥。前右大臣藤原家輔薨。圖系十一月三日己巳。內大臣藤原晴季罷。權大納言藤原信基爲內大臣。八日甲戌。權大納言藤原實益兼右近衛大將。補任天正九年辛巳。春二月二十八日壬戌。信長構馬埒於禁宮東郊。召近畿將校。國人盛裝騎馬。以供獻覽。衆爭披錦繡。競跨金鞍。馳驅周旋。謂之馬揃。命京畿民庶縱觀之。御浴殿遣使賜御衣一襲于信長。酒殺於其子信忠。三月五日己巳。復修焉。御浴殿夏四月二十九日癸巳。關白兼孝罷。以左大臣藤原內



基爲關白。補任、實錄、秋八月二十九日庚申。修懺法禳于

清涼殿二日。御浴殿、日記、是歲。大友義鎮焚宇佐八幡宮。

天正十年壬午。春二月二日。前關白左大臣前久爲

太政大臣。補任、實錄、十三日壬寅。山城葛野郡民生一身

兩頭兒。和州諸將軍傳、三月。信長大舉。伐武田勝賴。武田氏

滅。補任、織田家譜、十五日癸酉。行內侍所神樂。補任、夏五月、太

政大臣前久罷。補任、六月二日戊子。惟任光秀弑。前右

大臣織田信長於本能寺。又薄二條第。左近衛中將

織田信忠使村井貞勝護送誠仁親王於宮中。保二

條第。縱火自盡。補任、信長記、豐鑑、光秀除上下京地租。翁草、十

三日戊戌。羽柴秀吉與織田信孝。併兵討惟任光秀。

光秀伏誅。補任、豐臣家譜、

天正十一年癸未。春正月乙卯朔。上京火。焚舜、日記、二十

二日丙子。有光見良方。占之祈禳。災於諸社寺。御浴殿、日

記、閏月乙酉朔。先是貴布禰社人奏。有神告云。除正

月。託前年。用閏月。更爲歲首。乃問之廷議。關白內基

曰。然則更行四方拜諸節會。敕曰。後醍醐帝朝。已

有閏正月。士民更搏豆祝之。宮闕亦與常月無異矣。

但有故記載之者。議乃罷。士民或爲百事大吉。歲節

一本闕作

家宴云。御浴殿三月癸未朔夜。流星自西飛東。梵舞日記  
夏四月。羽柴秀吉與柴田勝家戰于梁瀨。勝家敗走。  
逃北莊而自刃。豐臣傳織田信孝與兄信雄相鬪而  
敗。犇野間內海。秀吉遣人殺之。豐臣實錄冬十一月。秀吉  
大城大坂。豐臣實錄  
天正十二年甲申。春正月三日辛巳。白羽矢恠見于  
清涼殿西廊上。補任十五日癸巳。立皇孫和仁為親王。  
紀事年十六日甲午夜。月裂為三。二十日戊戌。修不  
動明王法於清涼殿。二月三日庚戌。清涼殿見恠異。  
補任三月。秀吉與織田信雄及源家康大戰于長湫。冬

十一月。秀吉與信雄對陣于伊勢。終行成。豐臣實錄十  
二月。關白左大臣內基罷。右大臣藤原昭實為左大  
臣。補任實錄  
天正十三年。春二月十二日甲寅。以左大臣藤原昭  
實為關白。補任家傳三月十日辛巳。關白昭實罷左大臣。  
內大臣藤原信輔為左大臣。前內大臣藤原晴秀為  
右大臣。權大納言平秀吉為內大臣。補任豐臣實錄秀吉奏  
至尊春秋漸高。皇子齡近不惑。宜行禪代也。勅曰。可。  
乃造營仙宮。前田玄以董役。實錄秀吉伐根來平之。豐臣實錄  
家譜夏四月。太宰府管神廟罹兵災。殘太六月。大水。平記

天正年秋七月十一日庚辰。關白昭實罷。以內大臣  
藤原秀吉爲關白。補任、豐鑑、秀吉初稱平氏。於是改藤原。  
後自稱豐臣姓。八月。秀吉伐佐佐成政。成政降。實錄、逸史、  
冬十月十三日庚辰。遷伊勢皇大神宮于正殿。自寬  
正三年至此一百二十四年。十五日壬午。遷豐受大  
神宮于正殿。自永祿六年。距二十六年。梵舜日記、初  
神境記談、天武帝詔定每二十年。改造兩宮。行遷宮儀。著爲永  
式。後世喪亂相尋。王室衰替。不能舉例。兩宮頽圯。典  
故不修者久矣。先是右大臣信長奏請。經營悉復舊  
例。未果。遇弑。至是關白秀吉廣成其功。織田軍記、逸  
史、豐臣家譜、

十一月二十九日乙丑。地大震。補任、梵舜日記、○殘  
太平記、分類、作十月、  
畿內及東海東山北陸三道尤甚。地裂水涌。人家毀  
陷。死者亡算。迄明年春。地動不遏。豐鑑、補任、丙寅晦、雷、梵  
舜十二月六日壬午。內裏仙院南門上梁。紀事、附錄、  
梵舜日記、是歲。大饑。疫行。餓殍相望。民茹草根。逸  
史、  
天正十四年丙戌。春正月三日己亥。地震。四日庚子。  
又震。八日甲辰。又震。十五日辛亥。大雷。二月八日癸  
酉。地震。迄三月數動。夏四月九日甲戌。又震。二十九  
日甲午。賀茂社司就前田玄以奏。神田耗減。資給不  
足。不能修競馬。乃聞。殊詔賜供御田二十斛。以充競

馬用度。六月二十三日丁亥。地震。二十四日戊子。又  
震。御浴殿日記。秋七月二十四日丁巳。三品誠仁親王薨。  
任御浴殿日記。補九月二十日壬子。和仁親王加元服。  
補任冬十一月七日戊戌。天皇讓位于和仁親王。  
補任豐鑑。御上尊号曰太上天皇。年代記。文祿二年正  
月五日辛酉。崩于仙院。紹運錄、帝王年記、時慶  
記、葬于泉涌寺。時慶記、帝王年記、時慶。正親町院。時慶  
記。天正中。春二月。關白秀吉觀禁苑櫻花。天皇遣  
權大納言藤原晴豐。附御製歌于櫻枝賜之。云。許多  
知與里。以呂加毛能巨類。波奈差可梨。千良傳久母

爲乃。波累邪遍奴羅武。秀吉上答歌云。志能斐都都。  
加須美止登毛仁。那寄免之母。阿良波禮計里南。半  
那廼許乃母登。御浴殿日記

野史卷七終

野史卷七終... (Faint text in the right column)

野史卷八

飯田忠彦修  
男 文彦訓點  
竹中邦香校

日本紀第八

後陽成天皇

後陽成天皇諱周仁。初諱和仁。正親町帝孫。陽光院第一子也。皇胤紹運錄、帝王母新上東門院。紹運元龜二年十二月十五日癸卯生。皇代紀事、天正十二年正月爲親王。年代畧記、皇代紀事、○公卿補作九十四年九月冠。補任、年十一月七日戊戌踐祚。

後陽成天皇

補任、年記、關白內大臣秀吉。左大臣兼左近衛大將藤原信輔。右大臣藤原晴季。權大納言兼右近衛大將藤原實益並如故。補任、是日。有五鶴舞于壇上。御浴殿天正十四年丙戌。冬十一月二十五日丙辰。天皇即位于紫宸殿。年十六歲。補任、御浴殿十二月十六日。納前關白前久女藤原前子爲女御。御浴殿十九日己卯。關白秀吉爲太政大臣。補任、豐鑑、是歲。秀吉建方廣寺。鑄毘盧舍那佛大像。實錄、續、覽、王天正十五年丁亥。春二月六日乙丑。關白秀吉入朝。御浴殿是月。秀吉發師伐島津義久。豐鑑、夏四月三日

日壬戌。修不動大法于清涼殿。七日。祈軍旅之事。二十日己卯。祈禳災於諸社寺。御浴殿五月。秀吉師逼鹿兒島。義久降。西海平。豐鑑、實錄六月十二日庚午。修法于清涼殿。祈禳災異。七日。秋七月二十四日辛亥慶宸筆阿彌陀經于般舟三昧院。薦陽光院冥福。御浴殿記、秀吉振旅而歸。豐鑑、臣家講二十九日丙辰。入朝。御浴殿記、冬十一月十九日甲辰。權大納言織田信雄爲內大臣。補任、田系圖十二月。左大臣藤原信輔罷左近衛大將。補任、關權大納言藤原公國兼左近衛大將。補任、王代續覽、九日甲子。權大納言兼左近衛大將藤原公國薨。

補、二十八日癸未。權大納言源家康兼左近衛大將。  
實錄、  
天正十六年戊子。春正月權大納言源家康罷左近  
衛大將。續王代一覽十三日丁酉權大納言藤原信房兼  
左近衛大將。補任詔以足利義昭准三宮。補任、足利家譜是日。  
秀吉入朝。三月二日丙戌。修尊勝王法于清涼殿。七  
日。御浴殿夏四月十四日丁卯。天皇幸於關白秀  
吉聚樂第。上皇及諸皇子宗室妃嬪皆往焉。秀吉  
供奉。文武百官諸將羣士皆扈從。許民縱觀。四方黎  
庶羣聚載路。父老流涕曰。不圖今日復仰太平之象。

天皇留蹕累日。奉獻之腆。供億之殷。蓋踰前古。天  
皇大樂。聚樂第行幸記、豐鑑十五日戊辰。秀吉使列侯盟于簾  
下。奉供御料於內裡仙院。且課稅。給於諸公家門室。  
行幸記十六日己巳。大宴。天皇。上皇。賜御製和  
歌於秀吉。公卿武臣。皆應制賡歌。十八日辛未。天  
皇。上皇還宮。行幸記、豐鑑五月十九日辛丑。前內  
大臣藤原公維薨。補任、系圖二十八日庚戌。祈禳災于諸  
社寺。御浴殿閏月十三日乙丑。行內侍所神樂。補任、秋  
七月二十二日癸酉。修法華懺法於仙院。資陽光院  
冥福三日。御浴殿滋草拾露。記。二十八日己卯。秀吉入朝。御浴

殿日 八月十六日丁酉。左近衛中將藤原實勝爲其所殺。御浴殿日 冬十二月十四日癸巳。讀仁王經于清涼殿七日。祈秀吉母氏疾。御浴殿日 是歲始造黃金大小判。舊章錄實貨通用事畧  
天正十七年己丑。春正月己酉朔。日有食之。御浴殿日 續一覽、廢元會。御浴殿日 二月。東海道地震。駿河遠江殊甚。屋舍多壞。武德大成 夏四月。造延曆寺。年代記首書紀事 秋七月丙午朔。日有食之。一本續王 九月十三日丁巳。秀吉如大坂。冬十二月十七日辛酉。因秀吉政所根伊子願。行內侍所神樂三日。御浴殿日

天正十八年庚寅。春正月十日癸丑。地震。御浴殿日 二月二十八日辛丑。秀吉入朝。奏請伐北條氏直。三月癸卯朔。發師。御浴殿日 夏四月二十日辛卯。因政所根伊子所請。行內侍所神樂。二十三日甲午。修金剛童子法于清涼殿。祈秀吉東征七日。御浴殿日 六月十二日壬子。前左大臣藤原公朝薨。補 秋七月。小田原城陷。秀吉遂至白川。視兵威於東方。豐錄 二十六日乙酉。紫宸殿豎柱。八月二十二日辛卯。秀吉奉山科田二百石。充供御料。御浴殿日 九月庚子朔。秀吉凱旋。御浴殿日 內大臣織田信雄罷。補 九日戊申。皇宮成。豐錄



冬十一月十八日丙辰。奉幣諸社。祈秀吉世子疾。二十一日己未。修音樂一千反。又祈之。十二月十九日丁亥。天皇受琵琶曲於右大臣藤原晴季。二十一日庚寅。修鎮宅法於新宮三日。御浴殿二十六日甲子。還御新殿。御浴殿二十八日丙寅。遷內侍所於正殿。年代記首是歲。雨雹。大如栗。分高麗使來。年紀首書、紀事、

天正十九年辛卯。春正月十二日己酉。秀吉入朝。御浴

殿。日二十一日戊午。行內侍所神樂。補任、時二十六

日癸亥。以皇弟智仁為親王。親王系閏月二十八日

乙未。雷。時慶夏六月十八日壬子。大雨雹。年代記首  
作二十冬十二月四日丙申。權大納言豐臣秀次為  
內大臣。補任、家二十八日庚申。以內  
大臣豐臣秀次為關白。補任、豐是歲。秀吉免上下京  
市租。翁  
文祿元年壬辰。春正月二十六日丁亥。天皇幸於  
關白秀次聚樂第。享儀一依戊子例。聚樂行幸記、二  
十八日乙丑。左大臣藤原信輔罷。補任二十九日庚寅。  
關白秀次為左大臣。補任、續先是秀吉欲假路於  
朝鮮。伐大明。遣諸將攻朝鮮。大城肥前那吳耶。三月

二十六日丙戌。遂發京師。赴那吳耶行營。豐臣家記、焚日  
秋七月二十二日庚辰。修法華懺法於宮中。資陽光  
院冥福。滋草拾露九月三日庚申。地震。逸史冬十二月四日  
庚寅。造山碕長橋。山城志引八日甲午。改元文祿。補任、  
紀事、和是歲。三井寺鐘止鳴。紀事、〇舊章  
文祿二年癸巳。春正月五日辛酉。上皇崩。紹運錄、補任、時  
慶、二月二十三日戊申。葬。正親町天皇。紹運錄、時慶記、  
文祿三年甲午。春正月庚辰朔。因諒闇。停四方拜諸  
節會。補任、五日甲申。前關白內大臣藤原植通薨。系圖、二  
月庚戌朔。前內大臣藤原尹豐薨。系圖、夏四月二十九

日丁丑。以皇子良仁爲親王。帝王系圖秋七月八日甲申。  
彗星見。良。時慶記二十二日戊戌。東寺塔火。分類九月二  
十五日庚子。地震。冬十月五日己酉。秀吉舞。申樂於  
宮中。七日辛亥。又舞。十一日乙卯。又舞。時慶記十一月  
二十一日乙未。修法華八講於清涼殿。資。正親町  
天皇冥福。補任、一本續十二月。疾疫流行。時慶記  
文祿四年乙未。春正月甲戌朔。以國忌。不臨元會及  
白馬節會。補任、是日。秀吉入朝。孝亮記夏四月十九日壬  
戌。受箏笛傳於權大納言藤原季道。二十一日甲子。  
修孔雀經大法于清涼殿。七日。御浴殿日記秋七月八日

己卯。關白左大臣秀次罷。補任。十二日癸未。秀次就傳。奏獻白銀三萬兩。又獻親王准后女御等。各五千兩。或三千兩。御浴殿日記。十五日丙戌。秀吉殺前關白秀次。補任、豐臣家譜。八月二日壬寅。秀吉徇秀次罪。斬秀次子三人及妻妾三十八人于三條河原。御浴殿日記、豐臣家譜。四日甲辰。秀吉使人請盡收併秀次所獻遺銀五萬兩。乃積車以復送伏見。御浴殿日記。十日庚戌。大雨洪水。年代書、紀。二十五日丁丑。秀吉奏貶謫右大臣藤原晴季于越後。補任、御浴殿日記。冬十一月十七日乙酉。修不動法於清涼殿。七日。祈秀吉疾。二十七日乙未。

行內侍所神樂。祈秀吉疾。二十九日丁酉。秀吉為世子冥福。設齋於妙法院。施食于真言天台律禪淨土。日蓮遊行一向等派八宗僧八百口。每月為例焉。十月二十日辛亥。秀吉獻放鷹所獲雁三棹。謝疾瘳。十七日乙卯。雷。二十二日庚申。因毛利輝元所請。行內侍所神樂。祈秀吉疾。不臨御。孝亮記。慶長元年丙申。夏四月。雪。一本續代一覽。五月六日壬申。秀吉入朝。孝亮記、舜日記。十一日丁丑。權大納言源家康為內大臣。補任、孝亮記。十五日辛巳。觀申樂。孝亮記、舜日記。十六日壬午。又觀焉。孝亮記。六月二十七日癸亥。高野山

大塔火。是日。塵露降如灰。二十九日乙丑。彗星見。西北。秋七月二日丁卯。彗星見。長數尺。踰月不消。孝亮記、三日戊辰。京畿陰霾。大風揚沙。年代記、書、逸史、首是日。客星見西方。八日癸酉。兩月並見。二十二日丁亥。讀仁王經於宮中。七日。祈禳天變。閏月九日甲辰。地震。孝亮記、十二日丁未。地大震。畿內最甚。大佛殿北野經堂東寺金堂皆壞。伏見城中死者二百餘人。山崩地裂。吹泥。海水泛溢。民屋墊陷。人畜死傷亡算。迄冬猶不止。孝亮記、梵舜日、孝亮記、九月。明使至。伏見行成。而書詞不恭。封事乖戾。秀吉勃

怒。逐使者。復議征討。豐臣家譜、逸史、冬十月二十七日庚寅。改元慶長。孝亮記、梵舜日、十一月十五日戊申。秀吉捕耶蘇賊二十四人。徇一條大路。刑戮之。二十九日乙卯。因政所根伊子所請。行內侍所神樂。孝亮記、是歲始製一分小判。曰慶長金。舊章錄、慶長二年丁酉。春正月四日丙申。地震。七日己亥。輟白馬節。十一日癸卯。地大震。踰月不止。孝亮記、二月。秀吉復發兵於朝鮮。豐鑑實錄、三月十一日壬寅。慶誓願寺。孝亮記、二十一日壬子。慶高野山大塔。梵舜日、夏四月二十四日甲申。秀吉入朝。二十八日戊子。還大坂。

是日地震。五月二十二日壬子。秀吉入朝。孝亮秋七月十八日丁未。秀吉遷信濃善光寺阿彌陀于方廣寺。梵釋二十九日戊午。秀吉入朝。天皇觀象。八月二十日己卯。頒賜新梓錦繡段於羣臣。孝亮二十六日乙酉。秀吉入朝。孝亮二十八日丁亥。准三宮足利義昭薨。官位門跡。九月六日甲午。因毛利氏女所請。行內侍所神樂。戊午晦。秀吉還伏見。冬十二月二十六日癸未。地震。孝亮慶長三年戊戌。春正月六日壬辰。地震。孝亮七日癸巳。畿內大雪。逸史十四日庚子。地大震。孝亮夏四月三

日戊午。雨霜茶枯。梵十八日癸酉。秀吉入朝。孝亮秋七月十一日甲午。奉幣諸社。祈秀吉疾。御浴殿二十日癸卯。使四大寺修法。華八講於宮中。薦陽光院冥福。梵二十五日戊申。秀吉就傳奏。為謝天恩。請獻白銀一萬兩。贈遺親王准后女御及大臣傳奏等。各有差。御浴殿二十八日辛亥。大風。御浴殿八月十一日甲子。將軍塚鳴動。落穗十七日庚子。因秀吉夢。遽復送阿彌陀佛于善光寺。御浴殿十八日辛未。前關白太政大臣秀吉薨。補任豐臣家。二十二日乙亥。方廣寺成。梵運紀事。秀吉遺命罷外征師。實錄

九月十五日戊戌。天皇不豫。十六日己亥。修護摩供于紫宸殿及黑戶。聖天供于記錄所。轉讀大般若于小御所。祈不豫各七日。二十三日丙午。奉幣諸社。冬十月八日庚申。使最胤法親王修法于清涼殿。並祈不豫。十八日庚午。未瘳。遣傳奏傳。詔於所司代德善院玄以。將有讓位。玄以乃與宗室公卿議之於清涼殿。二十二日癸酉。再詔玄以促前旨。十一月癸未朔。修尊勝王法于清涼殿。七日。三日乙酉。行五壇法于黑戶。七日。十八日庚子。內大臣源家康奏請。止讓位之議。御浴殿日記。十二月十九日庚午。召前右大臣藤

原晴季。復任右大臣。補任。家傳。二十三日甲戌。天皇改諱周仁。御浴殿日記。○補是歲。自韓還者。始傳木綿種。民稍知其利。樹以良田。既而徧天下。民便之。逸史。慶長四年己亥。春正月壬午朔。因不豫廢四方拜。御浴殿日記。二十五日丙午。東寺火。補任。二月十日庚申。天皇疾未瘳。詔問舊典於公卿。十一日辛酉。再詔檢覈故典。三月十七日丁酉。使常胤法親王修法于清涼殿。七日。閏月二日辛亥。頒新刻日本記。御浴殿日記。夏四月十七日乙未。詔賜豐臣大明神号故關白秀吉。十八日丙申。遷豐國神于正殿。御浴殿日記。秋八

月十八日乙未。地震。十九日丙申。又震。二十五日壬寅。詔嚴令定中外當直出入。御浴殿二十八日乙巳。天皇御南殿覽舞樂。御浴殿冬十月四日庚辰。行內侍所神樂。補任是月當慶方廣寺。日蓮徒不奉命。諍論悖律。乃捕徙流之。一統志是歲。頒造一分判。舊章錄論事。  
慶長五年庚子。春正月丙午朔。因不豫廢四方拜。御浴殿時慶日記三月二十七日辛未。慶天王寺。御浴殿夏四月十九日壬辰。內大臣源家康入朝。御浴殿五月六日戊申。因內大臣源家康請。復右近衛中將藤原

為滿官。御浴殿秋七月七日戊申。天皇不豫。孝亮十七日戊午。伏見大坂騷擾。遣權大納言藤原兼勝于大坂。訪權中納言秀賴。御浴殿十九日庚申。地震。時慶八月壬申朔。伏見城陷。孝亮九月三日癸卯。詔左少辨藤原總光詣多武峰。御浴殿十五日乙卯。內大臣源家康與石田三成大戰于關原。遂擒三成。慶長石田軍德川二十日庚申。遣左少辨藤原總光訪內大臣家康于大津行營。御浴殿二十三日癸亥。地震。時慶冬十二月十四日甲申。修護摩法于清涼殿。十九日己丑。詔前關白左大臣兼孝為關白。御浴殿

亮記、○公卿補任、作二十九日。二十一日辛卯立皇子政仁爲親王。  
御浴殿日記、時先是庶子良仁長而無威典侍藤原  
氏之出也。嫡子政仁少而有寵。女御藤原氏之生也。  
秀吉嘗與右大臣藤原晴季議儲貳册良仁爲親王。  
預屬意於良仁。蓋事出於私也。天皇弗懌。於是咨  
詢內大臣家康。內大臣家康對曰。臣聞之。舍庶立嫡  
禮也。且視子不如父。宜由聖斷。臣亦有數子。不得不  
自擇也。天皇悅。遂決册立皇儲。逸史、二十九日己  
亥晦。上所生准三宮藤原氏號曰新上東門院。孝亮  
代畧是歲。喝蘭夷船始至。通互市。逸史、佐渡國始出銀

先是聞有黃金。然未知其礦脈。守護上杉謙信稍得  
坑礦。採資軍用。秀吉聞之。遷上杉氏之封。搜之。未得  
而薨。至是發坑戶取焉。舊章錄、寶貨  
慶長六年辛丑。春正月庚子朔。因不豫廢四方拜。御  
殿日記、六日乙巳。關白兼孝罷左大臣。前左大臣藤  
原信尹爲左大臣。補任、三月十九日丁巳。視除目。御浴  
記、是年。山東大疫。逸史、五月十一日戊申。因內大臣  
家康請復參議藤原季滿官。赦左近衛權中將藤原  
親具。御浴殿六月十一日丁丑。以權大納言藤原晴  
豐准大臣。補任、秋八月。內大臣家康疆理供御之稅及



諸司百官采邑於京師四邊。以板食勝重爲所司代。  
分一類。續王九月二十九日癸亥。因內大臣家康請。行  
內侍所神樂。御浴殿冬十二月十六日己酉。上總安  
房地大震。山崩海堙成嶽海上。潮涸三十餘町。明日。  
海大鳴潮溢。人畜多死。房總治是歲。更造大小判一  
分。鈔銀錠碎銀。舊章錄通石見國出黃金。無幾禁。邊  
採用。通用事零。  
慶長七年壬寅。春二月十六日己酉。行踏歌節。補二  
十四日丁巳。地震。三月二十九日辛卯。狐產子於軒  
廊上。夏五月二日癸亥。地震。三日甲子。又震。十八日

己卯。又震。御浴殿六月。內大臣家康遣本多正純。伐  
東大寺黃熟香。參議右大辨藤原光豐。左少辨藤原  
總光。右少辨藤原資俊。莅焉。續王代秋七月十八日  
丁丑。修懺法講于宮中。御浴殿八月。客星見西方。慶  
記分九月。又見東方。無幾入月。慶冬十二月四日  
辛卯。方廣寺大佛殿火。時慶記。梵長記。八日乙未。准大  
臣藤原晴豐薨。補任。系圖  
慶長八年癸卯。春正月二十四日辛巳。有光自乾飛  
亘巽。二十五日壬午。將軍塚鳴動。時慶右大臣藤原  
晴季罷。補任。二月十二日己亥。內大臣源家康任右大

臣。爲征夷大將軍。補任、時慶記、御浴殿日記二十三日庚戌。震清藏口一女子。夏四月丁亥朔。日有食之。時慶記二十二日戊申。權大納言豐臣秀賴爲內大臣。補任、時慶記六月二十七日辛亥。將軍塚鳴。時慶記冬十月四日丙戌。因故事命納玄猪於丹波能勢。能勢地。頃間爲堀直寄采邑。直寄請報天恩。乃獻玄猪一百五十合。御浴殿日記十六日戊戌。右大臣源家康罷。二十二日甲辰。權大納言藤原實益罷。右近衛大將。補任、續王代一覽十一月七日己未。權大納言源秀忠兼右近衛大將。補任、御浴殿日記十二月十九日庚子。曇華院火。御浴殿日記二十一日壬

寅。地震。二十二日癸卯。又震。二十四日乙巳。雷。時慶記、御浴殿日記

慶長九年甲辰。春三月二十九日庚辰。大將軍源家康入朝。夏五月十六日丙寅。修護摩供於清涼殿。七日。二十七日丁丑。天皇患癰。六月三日壬午。疾瘳。御浴殿日記秋八月十五日癸巳。行豐國社臨時祭。御浴殿日記九月。幕府獻供御料。以一萬石爲額。舊章錄冬十一月十日丙戌。關白兼孝罷。補任十二月十一日丁未。當正親町天皇十三回忌。修法華八講于宮中。延曆寺僧遠辭不朝參。乃命園城寺等僧修焉三日。

御浴殿  
日記

慶長十年乙巳。春正月丙子朔。因不豫廢四方拜及諸節會。補任、孝亮記關東地大震。死亡者多。伊勢亦震。孝亮記二月十九日甲子。大將軍源家康入朝。日記、夏四月十三日丁巳。內大臣豐臣秀賴為右大臣。補任、實錄十六日庚申。前右大臣源家康辭征夷大將軍。權大納言源秀忠為內大臣。補任、孝亮記是夏。旱迄六月。昆陽池涸。史、逸秋七月二十三日丙申。以左大臣藤原信尹為關白。罷左大臣。補任、實錄近江美濃尾張參河大水。史、逸是月。東海道大水。冬十一月

淺間嶽發火。踰月而燿。史、逸十一月十五日乙卯。東海揚波。一夜中生大島。御年譜、舊章錄、〇年慶長十一年丙午。春正月十八日丁亥。築堤封于伏見至淀。日記、堯舜三月四日癸酉。東國雨雹。大雷。史、逸夏四月二十八日丙寅。前大將軍源家康入朝。日記、堯舜秋八月。山陽南海二道大風傷稼。史、逸九月。內大臣兼右近衛大將源秀忠罷。補任、實錄王代一覽。權大納言藤原信房罷左近衛大將。十三日己卯。權大納言藤原忠榮兼左近衛大將。補任二十一日丁亥。前大將軍源家康還駿府。日記、堯舜二十二日戊子。權大納言藤原信房為

丙大臣。補任是月。詔陞參河大樹寺。准敕額寺。逸史冬十一月十日乙亥。丙大臣藤原信房爲左大臣。十一日丙子。關白信尹罷。以左大臣藤原信房爲關白。補任實錄是歲。伊豆國出金銀。無幾禁採用。舊章錄實貨通用事畧應長十二年丁未。春正月乙丑朔。因不豫。輟四方拜。補任御浴殿日記十一日乙亥。右大臣豐臣秀賴罷。權大納言藤原忠榮爲右大臣。補任續實王覽二十七日辛卯。雷鳴動。孝亮夏四月。多武峯大職冠像自壞。梵釋日記六月十二日癸酉。吉田火。孝亮彗星見東方。補任草拾露

秋七月八日己亥。雨泥。二十二日癸丑夜。光飛宮中。八月五日乙丑。彗星見西方。客星見。二十日庚辰。彗星見東方。卜之。迄九月而消。客星見東西。至冬而消。孝亮九月十九日己酉。使左兵衛佐卜部兼治修神道護摩法於紫宸殿。七日。補任孝亮二十一日辛亥。慶東寺。類分二十三日癸丑。南都言。猿澤池水如血。多武峯有光。飛入春日山。孝亮冬十一月庚寅朔。雷。御浴殿日記十二月七日丙寅。修安鎮護摩法于仙院。御浴殿日記亮十三日壬申。還北野神于正殿。孝亮二十一日辛巳。所司代板倉勝重挈工匠大和等。更修宮殿。

從前關白昭實以下諸第于他。修造新上東門院殿。  
第。孝亮

慶長十三年戊申。春正月己丑朔。日當蝕不見。孝亮

七日乙未。右大臣藤原忠榮罷左近衛大將。權大納

言藤原信尚兼左近衛大將。補任、御浴殿日記二月二十四

日壬午。行內侍所神樂。祈前右大臣秀賴疾。御浴殿日記

孝亮記作三月十二日己亥。因多武峯大職冠像破

裂。關白信房遣告文使權右中辨藤原共房祈瘳。而

不瘳。讀告文七回。背後復裂。共房遂回京。夏四月十

三日己巳。旗雲見四方。五月二十一日丁未。客星見

巽。不消數日。孝亮六月大水。逸史秋七月十四日己亥。

流星自南飛東。二十日乙巳。侍從藤原嗣良與尊性

入道親王侍鬪諍。流嗣良。八月乙卯朔。大水。孝亮定

延曆寺法式凡七條。續王代一覽九月二十二日丙午。遣

告文使左兵衛佐卜部兼治于多武峯。二十四日戊

申。多武峯鳴動。兼治讀告文五回。乃瘳。孝亮記。按楚舜

遷基業云。慶長十四年。去年夏。大戰冠像破裂。遣神

祇少副卜部兼治。為告文使。至南部。邑民歷至。故事

夜二更。傳宣命。迨期羣民重沓。喧兼治戰慄。不能

遂儀。事聞。朝廷。兼治無狀。更遣少納言菅原為通。

代為告文使。為通依舊典。終冬十月十三日丁卯。授

兼治從四位上。聽兼治二男兼從昇殿叙爵。孝亮十

二月二十六日己卯。關白左大臣信房罷。御浴殿補任。○日

孝亮記作以右大臣藤原忠榮為關白。御浴殿記。孝亮記。停

承樂錢。用京錢。是年。陸奧南部出黃金。無幾而止。舊章

錄寶貨通用事畧

慶長十四年己酉。春正月甲申朔。停小朝拜元會。御浴殿

殿日記。二月十九日辛未。日蓮宗二十一寺僧。與淨

土宗僧。論宗儀于幕府。日蓮徒決非。據其黨在輦下

者。為騷擾。二十日壬申。執日蓮徒常樂寺。自一條。徇

至六條。磧。剖耳鼻。追放之。孝亮記。三月四日丙戌夜。月

形方沒如春。年代畧記。紀事。一統志。駿河上總雨雹。壞民屋。逸史

夏四月十九日庚子。天皇不豫。六月十五日乙丑。

大水。秋七月七日丙戌。將軍塚鳴動。十九日戊戌。決

文臣及官女等罪狀於關白忠榮亭。孝亮記。先是侍從

藤原教利。參議右大辨藤原光廣。左近衛中將藤原

賴國。左近衛少將藤原忠長。藤原雅資。藤原宗勝。藤

原宗信。右近衛少將藤原實久。備後守兼保。保或作康。未詳

姓。相與遊蕩。陰勾宮女。新大典侍權典侍中內侍菅

內侍讚岐。姪蝶。褻慢。其中殊有承寵幸者。去年春。事

發覺。捕兼保。鞠問。得其實。天皇震怒。幕府命所司

代治之。教利亡命。下令大索。獲之西陲。逸史。御浴殿記。孝亮記

是月四日。過光廣等出仕。天皇欲處以極刑。前大將軍源家康患之。遣板倉重昌大澤基宿。囑意於所司代板倉勝重。令與大臣會議。勝重就奏曰。宮壺不嚴。帷薄不修。其風有所由來。今遽措之嚴刑。恐傷陛下覆育含容之德。伏願誅止首罪。餘就末減。庶幾使天下仰仁慈之渥。天皇納之。逸史續王代一覽 二十七日丙午。日月星並現。孝亮 八月十六日乙丑。大水。孝亮 史二十四日癸酉。伊勢兩宮成。社司爭論前後。引舊證。愬之。乃詔問幕府。以定前後。御浴殿日記 九月十六日甲午。奉幣伊勢。孝亮 二十一日己亥。遷皇大神宮。

于正殿。二十七日乙巳。遷豐受大神宮于正殿。御浴殿日記 兩宮造替。距天正十三年己二十五年。爾後限以二十一年造替。立為永典。補任記談 冬十月三日辛亥。流星自艮飛坤。孝亮 十一日己未。送宮女五人于駿府。孝亮 記。○按御浴殿日記。孝亮記。並云。新大典侍藤原氏。權典侍源氏。中內侍藤原氏。內侍菅原氏。讚岐及御末五人。少婦三人。十二日庚申。竄宗信賴國于硫黃島。分配忠長雅資宗勝于蝦夷隱岐伊豆諸島。流宮女于八丈島。削光廣實久籍。十七日乙丑。斬教利于常禪寺。十八日丙寅。戮兼保于東河原。孝亮 記。一。流皆係。十一日乙酉。雷。孝亮 記。

慶長十五年庚戌。春二月二十七日甲戌。詔豫期三月。將有讓位。命諸司役儀衛。閏月十八日。所司代板倉勝重就傳奏曰。幕府云。女薨愁歎殊甚。請可延讓位之期。以奏。天皇弗懌。孝亮記。夏四月九日甲申。隕石于參河者五。逸史。六月十八日辛卯。所司代勝重率工匠大和至。勸工定測樣。賦丈尺。定宮地及公卿諸司第宅。孝亮記。秋九月二十二日甲子。豐臣秀賴再造方廣寺大佛殿。孝亮記。紀首書。冬十月九日辛巳。駿府城火。十四日丙戌。禁吸烟草。十一月壬寅朔。日有食之。孝亮記。十二月二十三日甲午。政仁親王加元服于

小御所。紹運錄、紀事、孝亮記

慶長十六年春正月壬寅朔。輟四方拜小朝拜。孝亮記。二月十一日壬午。將有立太子之議。關白忠榮及諸卿諸司朝參遽停之。孝亮記。三月十一日辛亥。權大納言藤原信尙為內大臣。補一任、續王代。二十一日辛酉。權大納言藤原實益兼右近衛大將。補二任。二十七日丁卯。天皇讓位于政仁親王。紹運錄、續御年譜。上尊號曰太上天皇。近代帝王系圖、紀事。元和三年八月二十六日戊午。崩。紹運錄、近代系圖、紀事。年四十七。紹運錄、孝亮記。九月葬于泉涌寺。紹運錄、孝亮記。御骨於深草法華堂。紀事、年代畧記。稱後陽成天



皇。天皇將崩。詠和歌云。宇幾阿伎乃。牟志能那久。禰能安波禮止母。以麻味乃。宇遍仁。可幾里登曾於。毛布。又發句云。都枳乎於比止。那留未傳兔氏之。宇幾與加南孝亮宮中故事。謂脫屣曰下。故忌謂下。讀於留故呼下簾曰垂簾。茶磨以謂茶下。不納之宮中。上皇笑曰。瑣細禁句皆然。何故不禁藥碾。亦不謂下乎。當行事年

政官 庫

野史卷八終

